

CNS6536

R GB 09-10 00158 BA367

Aab

UCAPAN PERDANA MENTERI DI PBB DIHORMATI

Abdullah - PBB

SUBANG, 9 Okt, (Bernama) -- Ucapan Perdana Menteri Datuk Seri Dr Mahathir Mohamad pada Perhimpunan Agung Bangsa-bangsa Bersatu (PBB) di New York baru-baru ini mendapat reaksi positif daripada negara-negara sedang membangun tetapi reaksi yang bercampur-campur daripada negara maju.

Menteri Luar Datuk Abdullah Ahmad Badawi, bagaimanapun berkata pada dasarnya mereka (pemimpin negara-negara sedang membangun dan negara maju) menghargai dan menghormati ketegasan yang telah ditunjukkan oleh Perdana Menteri dalam ucapannya.

+Ucapannya itu menyentuh perkara-perkara yang menepati pandangan dan perasaan banyak negara terutamanya negara-negara sedang membangun,+ kata beliau setibanya di Lapangan Terbang Antarabangsa Kuala Lumpur di sini selepas menghadiri persidangan itu di New York.

Katanya, reaksi daripada negara-negara maju bercampur-campur kerana kebanyakan ucapan Perdana Menteri ditujukan kepada sikap dan pendirian mereka (negara-negara maju).

Bagaimanapun, negara-negara maju tidak menolak kesemua pendapat Datuk Seri Dr Mahathir, kata beliau. -- Lagi

♥09/10/22-54MST

R GB 09-10 00122 BA368

Aab

Abdullah - PBB 2 (Akhir) Subang

+Mereka berpendapat ada juga pandangan Perdana Menteri yang perlu dihormati dan dihargai,+ katanya.

Datuk Abdullah juga berkata, Persidangan Ketua-ketua Kerajaan Komanwel di Harare, Zimbabwe minggu depan dijangka meluluskan syor membenarkan hubungan rakyat dan rakyat dengan Afrika Selatan dipulihkan.

Beliau yakin syor itu, yang dikemukakan oleh Menteri-menteri Luar Komanwel pada mesyuaratnya di New Delhi, baru-baru ini, dijangka dibincangkan dengan lebih terperinci.

Bagaimanapun beliau berkata, pemulihan hubungan rakyat dan rakyat itu tidak bermakna mereka boleh mengadakan hubungan, perniagaan.

+Mereka (rakyat dengan rakyat) hanya boleh wujudkan +hubungan perniagaan+ tetapi tidak boleh melaksanakan sebarang perjanjian sehingga sekatan ekonomi ke atas Afrika Selatan ditarik balik,+ katanya. -- Bernama

♥09/10/22-56MST